

subtilior est aere inferior. Et sic in uno continentur quinque, scilicet una quaternitas, id est terra, aqua, aer, & ignis, & punctus solis in medio rubeus. Et hic pullus est avis Hermetis.

Quare omnium philosophorum ab omnibus veteribus nostris, lapis noster nuncupatus est, maxime etiam propter albedinem, & siccitatem eius, ac manifestam aqueitatem ipsius circundantem, ac intentissimam rubedinem eiusdem occultatiue implicantem.

Dicit enim Aristoteles quod non fit transitus rectius inter extrema, nisi per medium. Ideoque non vertitur calidum in frigidum, nisi per humidum quod est eorum medium, nec etiam aqua vertitur in ignem, nisi primo vertatur in aerem, nec terra vertitur in aerem, nisi prius vertatur in aquam, nam ignis & aqua sunt elementa contraria, siue extrema, & aer & terra sunt eorum media, quia sicut aqua est iuxta aerem inferius, sic aer est iuxta ignem superius. Ideoque aqua contrariatur igni, sicut terra aeri, eo quod aqua & aer, conueniunt in humido, ignis & terra in sicco. Terra immediate mutatur in ignem, sicut aqua in aerem, sed ignis & aqua, aer & terra non rotantur, nisi terra in aquam, & aer in ignem prius conuertantur, ignis vero in sua altitudine secundum Rogerium bacconem est calidus et siccus in quarto naturaliter, que si vis vertere

*De rotatione elementorum.*

kk ij